

ՆՈՐ ՊԱՐԲԵՐԱԹԵՐԹ

*«Թէ քարոզողն լինի շիջեալ մոմ, ունելով
մեռեալ հաւատս, չար գործովք ոչ տայ լոյս, այլ
ծովս համէ յինքեմէ»:*

ՍՈՒՐԲ ԳՐԻԳՈՐ ՏԱԹԵՎԱՏԻ

Հայաստանյայց Առաքելական Սուրբ Եկեղեցու թեմերն այսօր Հայաստանում աստվածային սերը, Տիրոջ փրկարար ուսմունքը քարոզում են ոչ միայն ժողովրդի հետ ունեցած իրենց անմիջական փոխհարաբերությամբ և հաղորդակցությամբ, այլև գրավոր խոսքի միջոցով: Վերջին տարիներին կազմվեցին մոր թեմեր, իսկ գործող թեմերն առավել ևս աշխուժացրին իրենց քարոզչական գործունեությունը:

Արարատյան թեմը, որպես Հայրապետական թեմ, ունի ոչ միայն գործունեության լայն ոլորտներ, այլև պարտավորություններ: Այդ պարտավորությունների կատարման աշխատանքներին մոր եռանդով ու մվիրումով է ձեռնամուխ եղել թեմի առաջնորդական փոխանորդ Գերաշնորհ Տ. Նավասարդ եպիսկոպոս Կճոյանը, որի հրահանգով լույս է տեսնում «Ծողակն Արարատյան» երկշաբաթաթերթը:

Թերթի հիմնական նպատակը քարոզչական աշխատանքն է: Միշտ չէ, որ եկեղեցու թեմից, միջոցառումների կամ հոգևորականության հետ հանդիպումների ընթացքում հնարավոր է լինում ավետարանական ճշմարտությունները հասու դարձնել ժողովրդին: Այդ առումով գրավոր խոսքը՝ մասնով ունի իր անփոխարինելի և կարևոր դերը: Թերթի միջոցով ընթերցողը լիարժեք պատկերացում պիտի ունենա Հայ Առաքելական Եկեղեցու դավանանքի մասին և ընդհանրական Եկեղեցու պատմության և սրբերի կյանքի մասին: Թերթում զետեղվում են մաս լրատվական մյուսեր, որոնք ընթերցողին տեղյակ են պահում մեր Եկեղեցում տեղի ունեցած իրադարձություններին:

Թերթի գլխավոր խմբագիրը՝ Արսեն Պողոսյանը, այսպես է պատկերացնում իր առջև դրված խնդիրը. «Ծողակն Արարատյան» թերթի նպատակն է ընթերցողներին պարզ և մատչելի կերպով ներկայացնել սուրբգրային ճշմարտությունները, հաղորդակից դարձնել մեր ժողովրդի ազգային-հոգևոր արժեքներին: Թերթը մեկ անգամ ևս պետք է փաստի, որ մեր պապերի կողմից դավանած քրիստոնեությունը ոչ թե կյանքից կտրված լոկ մի ուսմունք է, այլ ճշմարիտ աշխարհընկալում և ճշմարիտ ապրելակերպ: Ըստ այդմ թերթը իր էջերում պետք է ներկայացնի մեր հասարակական կյանքի բոլոր ոլորտներում առկա խնդիրները՝ դիտարկված քրիստոնեական հայեցակետից»:

Թերթը նախատեսված է ընթերցող լայն շրջանակների համար, չեն անտեսված նաև երեխաները: Մանկական էջում մրանք կարող են կարդալ հետաքրքիր և ուսանելի գյութեր աստվածային ճշմարտությունների, բարու հաղթանակի մասին: Թերթի գյութերն ունեն բովանդակային տարաբաժանում. 1. Տոնախոսական, որի տակ ընդգրկվում են Հայ Եկեղեցու տոնացույցին համապատասխան գյութեր: 2. Թեմական կյանք, որտեղ թեմի առօրյա քարոզչական գործունեությունը լուսաբանող գյութերն են արտացոլված: 3. Ընամաչենք մեր մայր Եկեղեցին խորագրի տակ ընդհանուր Եկեղեցուն, ինչպես և Հայ Եկեղեցուն վերաբերող գյութերն են: 4. Ուղղափառ դավանություն և հերձվածություն խորագրի տակ գետնվում են այնպիսի գյութեր, որոնք պատմում են մերօրյա աղանդների օտարամետ և քայքայիչ գործունեության մասին: Նախատեսված է նաև ազգային-հոգևոր արժեքների մասին պատմող էջ:

Թերթի խմբագրական կազմն աշխատում է հավատով ու մկիրումով, որպեսզի «Ծողակն Արարատյան»ը, որպես բոցկլտում մոմ, կենդանի հավատը տարածի, որպեսզի կյանքում նահանջի չարը, և աշխարհին տիրի աստվածային սերն ու բարին:

ՀԱՅԿԱՆՈՒԾ ՄԵՍՐՈՊԵԱՆ

«Էջմիածին» ամսագրի խմբագրությունը սրբանց շնորհավորում է նոր պարբերաբերթի լույս աշխարհ գալը և մաղթում բարի երթ ու նշանդուն գործունեություն ի շահ Հայաստանյայց Առաքելական Եկեղեցու և հավաքացյալ հայ ժողովրդի:

